

退思廬古今女科案選粹卷三

慈谿嚴鴻志癡孫纂輯

男智鶴梅村校字

妊娠門

憑脉斷姙案

王孟英

周光遠令正孟英診其脉右寸關忽見弦大滑疾上溢魚際平昔之脉未嘗見此頗為駭然及詢起居諸無所苦惟汎愆半月耳曰姙也併可以必其為男既而其父孫際初聞之診乃女脉曰姙則或然恐為女孕孟英曰肺象乎天今右寸脉最弦滑且見上溢之象豈非本乎天者親上耶孫曰此雖君之創解然極有理究不知爪紅何似耳迨壬寅夏果舉一男

鴻志按脉訣曰左大為男右大為女今弦大滑疾之脉象見於右寸關孟英斷其為男真神而明之者也

姙娠惡阻案

盧不遠

史氏婦嘔吐之聲遠聞百步脉左關鼓指不連於寸兩尺滑搏於左獨加水飲不入唇七日矣與透肝之劑斷其必男藥進而嘔定月足果產男是證初寒熱大作嘔吐

跋

先大人誤醫藥沮活鑑痛定遂志醫以有母在思所以
自術非希活人而醫籍浩繁自習不知適從久之無所
得而廢志則猶是歲己卯來館慈縣養正校董事嚴先
生癸孫名士亦名醫也因告所志請教益先生曰感證為醫
首要仲景傷寒論乃感證之主集宜時習之然斯簡殘編
讀者無目病人無命非采各家註解不為功而註家多至
百十家徧讀之惟日不足無已我所得者子錄之此感證輯
要居由成鑑以為得是書讀之博者足以守約不特為初
學入門已也因德惠付梓世不乏識者倘不以鑑言為阿其

後



所好皆辛酉春仲蛟門後學胡修鑑鏡之謹跋



南京中医药大学图书馆藏书

退思廬古今女科案選粹卷三

慈谿嚴鴻志癡孫纂輯

男智鶴梅村校字

妊娠門

憑脉斷姙案

王孟英

周光遠令正孟英診其脉右寸關忽見弦大滑疾上溢魚際平昔之脉未嘗見此頗為駭然及詢起居諸無所苦惟汎愆半月耳曰姙也併可以必其為男既而其父孫際初聞之診乃女脉曰姙則或然恐為女孕孟英曰肺象乎天今右寸脉最弦滑且見上溢之象豈非本乎天者親上耶孫曰此雖君之創解然極有理究不知爪紅何似耳迨壬寅夏果舉一男

鴻志按脉訣曰左大為男右大為女今弦大滑疾之脉象見於右寸關孟英斷其為男真神而明之者也

姙娠惡阻案

盧不遠

史氏婦嘔吐之聲遠聞百步脉左關鼓指不連於寸兩尺滑搏於左獨加水飲不入唇七日左與透肝之劑斷其必男藥進而嘔定月足果產男是證初寒熱大作嘔吐

不食人皆以為傷寒盧以尺中脉搏知其為妊其關不連寸者蓋肝鬱善怒而不能發也順其性而伸之調之肝舒氣平惡自無阻而嘔自定耳

俞東扶曰此證千金半夏茯苓湯最佳二陳加生地芍芍旋覆桔梗細辛人參生薑也有寒者千金茯苓丸可用六君加枳實桂心乾薑葛根也橘皮竹茹湯治胃熱抑青丸治肝火若諸法不應則停藥金匱所謂加吐下者則絕之也過八十日自愈

王孟英按此證雖挾寒薑桂不可輕試

又案

朱丹溪

一婦人孕兩月嘔吐頭眩醫以參朮川芎陳皮茯苓服之愈重脉左弦甚且弱此惡阻病必怒氣所激問之果然肝氣既逆又挾胎氣以茯苓湯下抑青丸二十四粒五服稍安脉畧數口乾苦食則口酸意其膈間滯氣未盡平以川芎陳皮山梔生薑茯苓煎湯下抑青丸十五粒而愈但口酸易飢此肝熱未平以熟湯再下抑青丸至二十日而愈後兩手脉平和而右甚弱防其胎必墮此時肝氣既平可用參朮遂以初方參朮等補之預防胎墮後之虛後果胎墮而人平安



魏玉橫曰不知滋水生木治法欠妥

又案

汪石山

一婦人形質瘦小面色近紫產後年餘經水不通首夏忽病嘔吐手指麻痺攣不伸展聲音啞小喊不出聲醫皆視為風病危之汪診脉細微近滑曰此妊娠惡阻病也衆謂經水不通安有孕理汪曰天下之事有常有變此乃事之變也脉雖細微似近於滑又尺按不絕乃妊娠也遂以四君子加二陳治之諸證俱減尚畏粥湯惟食乾糕香燥之物而生意

魏玉橫按產後經未行而即孕者嘗屢見之

又案

萬密齋

徽商吳儼妻年三十餘少子二歲尚食乳月水未行因反目激怒得嘔逆病凡所食物鼻中即作其臭醫俱作反胃治不效其脉左三部沈實搏指右三部平和曰此有孕也當生二男吳曰前生三子皆三歲而後孕今兒方二歲經水未行宜非孕也曰身自有孕且不知之况醫人乎宜其治之不效益怒傷肝肝傳心諸臭皆屬於心脾傳脾故隨所食物即作其氣而出也嘔逆食臭皆心肝脾藏之火炎上也以黃芩一

兩黃連白朮陳皮香附茯苓各五錢炒砂仁二錢為末神麴糊丸如菜豆大每服五十丸白湯下未五日而安後生兩男

鴻志按兒尚食乳經水未行據脉憑證而遂決其為孕之惡阻證非精於女科者不能辨此

又案

張路玉

錢氏婦去秋瘧久大虛飲食大減經水不調季冬畧行一度今春時發寒熱腹滿不食服寬腸利水藥不應擬進破血通經之劑張診之其脉左手厥動搖右關與兩尺雖微弦而重按久按却滑實流利惟右寸左關虛濡而數尋之濡而少力此陰中伏陽之象洵為胎脉無疑良由中氣虛乏不能轉運其胎故作脹耳前醫曰自結襦至今距十二歲從未受孕病後元氣大虛安有懷孕之理張曰向之不孕必有其故今病後餘熱留於血室因而得孕亦恒有之理細推病機每粥食到口輒欲作嘔惟向晚寒熱之際得熱飲入胃其寒熱頓減豈非胃氣虛寒水精不能四布留為涎液汪洋心下乎俗名惡阻是也其腹滿便難之虛實尤當明辨金匱云跌陽脉微弦法當腹滿不滿必便難乃虛寒從下上也當以溫柔藥服之况大便之後每加脹急以裏

氣下通。濁陰乘之上擾。與得下暫時寬快。迥殊其治。雖當以安胎為主。但濁陰之氣。非藉辛溫不能開導其結。遂疏六君子湯。益入歸芍。以收營血之散。稍借肉桂為開。濁陰之嚮導。使母氣得溫中健運之力。胎息無濁陰侵犯之虞。桂不傷胎。麗安常先。有明試。余亦嘗屢驗之矣。服後寒熱漸止。腹脹漸寬。飲食漸進。胎亦漸形。至仲夏因起居不慎。而胎漏下血。前醫猶認為石瘕。欲進破積。喻以左寸動滑。斷屬乾象。與扶脾藥得安。後產一子。

鴻志按生育之道。不可以常理測也。每見虛弱之婦。易於生育。而壯健之婦。反不能孕。其中雖各有原因。而虛弱者。良由相火熾盛。易於成孕也。病後體氣虛弱。每多受孕。亦猶是耳。若謂病後餘熱留於血室。因而得孕。此是病。焉有受孕之理。此張氏之謬言耳。

又案

趙晴初

一婦人惡心嘔吐。頭眩惡食。醫藥兩月。降逆如左金丸。旋覆代赭湯。調氣如砂蔻烏沈之類。補益如六君四物等劑。轉見心胸煩懣。惡聞食氣。體重作痛。黃瘦倦卧。氣息奄奄。一醫謂血枯經閉。虛勞重證。囑病家治後事矣。診其脉細弱之中。終有動滑之

象腹雖不大而有動躍之時遂斷為惡阻因過藥傷胃致現種種惡候勸令停藥不肯信從乃立疏氣降逆養胃清和平淡之劑服後胸膈稍寬隨後出入加減終以輕劑漸漸收功數月後竟舉一男

鴻志按金匱原有醫者治逆卻一月加吐下者則絕之之明訓絕之者絕止醫藥俟其自安也不肯絕藥姑以輕劑與之亦醫者不得已之苦心也

又案

車渭津

費姓婦懷孕三月嘔吐飲食沈亮封與以橘皮竹茹黃芩等藥不效松郡車渭津用二陳湯加旋覆薑皮水煎沖生地汁一杯一劑吐止四劑全愈一醫笑曰古方生地半夏同用甚少不知此方即千金半夏茯苓湯除去細辛桔梗川芎白芍四味鴻志按此證用辛溫宣達胃陽不慮嘔吐加甚乎妙在苓半夏降逆旋覆調氣薑皮散寒兼之以生地汁甘寒調和肝胃宣中兼降是以對證彼謂古方地夏無同用由於少讀書之故所以醫貴學優

妊娠子懸案

王孟英

拙荆妊八月患咳嗽礙眠鼻衄如射面浮肢腫諸藥不靈諦思其故素屬陰虛內火

自盛胎因火動上湊心胸肺受其衝。欬逆乃作是不必治其嗽。仍當以子懸治之。因以七寶散去參芍生薑。為其胸滿而內熱也。加生石膏以清陽明之火。熟地黃以攝根蒂之陰。投之即安。後又妊娠八月。因悲哀勞瘁之餘。胎氣衝逆。眩暈嗽痰。腕脹便澹。苔黃口渴。予蠲飲六神湯。去膽星茯苓。加枳實蘇葉腹皮。以理氣開鬱。黃芩梔子竹茹以清熱安胎。一劑知。二劑已。凡子懸因於痰滯者。用此法無不應。如將鼓鴻志按二次子懸。均在八月。不執板方。神乎其治。

又案

陸肖愚

史默菴令媛。孕已八月。偶歸母家。過漾遇風。幾至覆舟。驚恐殊甚。比至。嘔吐。家人猶以為船注。少頃。胸膈脹悶。飲食不入。醫認為外感。用發散藥。嘔惡更甚。并小腹亦脹。小溲不通。及再診之。謂默菴曰。尺脉甚弱。恐胎不固。家人以八月非墮胎。乃生育也。夫家受喜。母家生產。犯俗忌。欲帶病送回。默菴夫妻不忍。急延陸肖愚求決。診其脉兩寸洪大。兩尺果微。陸曰。病起於驚。在上而不在下。此即子懸證也。且脉未離經。豈有即產之理。時正暑月。用益元散五錢。水調下。一服而吐止。少頃。小便利。脹悶頓寬。陸聞生曰。經謂驚則氣亂。氣亂則痰湧。胎因上衝。所以脹悶而嘔吐不止也。用辰

砂滑石以鎮墮其氣。氣降則痰降火息。胎歸原所。不再劑而吐止脹寬。小便立通。亂者平矣。

鴻志按此證雖因感風。亦由受暑。故用益元散獲效。胎前忌滑石。亦有故無殞。亦無殞之意也。

又案

陳長甫

一婦人孕七月。忽然胎上衝心而痛。坐卧不安。醫治不效。又作死胎治。而用葶麻麝香研貼臍中。命在垂亡。陳診之。兩尺脉皆絕。餘脉和平。曰。此子懸也。若是胎死。必面赤舌青。今面不赤。舌不青。其胎無傷。是胎上逼心。以紫蘇飲治之。用紫蘇腹皮川芎白芍陳皮當歸人參甘草生薑葱十服而胎安矣。

鴻志按此證幸遇陳先生。否則胎下而母命亦難全矣。

又案

陸祖愚

梅養中之媳。懷孕七月。其夫出外經商。患胎上衝心。不時昏暈。兩醫治療。共議蘇葉安胎飲治之。數劑不減。時正炎天。梅公見昏暈頻發。萬一不諱。豈能倉卒出城辦樞。因途遇陸祖愚之僕。薦其主治之。時祖愚年方弱冠。見梅公備述病狀。因思胎上衝

心乃子懸證。前醫之藥極對。何以不減。此必其夫外出。憂思成鬱。久成痰火。與胎同逆。故昏暈不省耳。因令梅公買沈香錢許。牛黃二分。以備一面買應用之藥。相待陸診其脉。寸大於關。關大於尺。俱帶弦數。此血虛極而火上炎也。因用清氣養榮湯。磨沈香四分。牛黃二分。煎就。徐徐灌之。不終劑而醒矣。梅公款留二三日。調理全愈而歸。逮至足月。喜誕一男。

陸祖愚曰。時余年方弱冠。祖父遺編。雖嘗捧讀。實未應世。乃為老僕所薦。幸隨手而應。此等子懸證。為絕無僅有。記之聊備參考云爾。

又案

葉香巖

某氏婦。妊娠八九月。胎吸母氣。陽擾煩蒸。心痛引入小腹。謂之子懸。失治有三。衝三激之累。用柏子仁。天冬。肉女貞。實茯神。生地。陳驢皮膠。

鴻志按。子懸之證。心腹脹滿痛也。古人治此。每用紫蘇飲為主方。就證加減。今葉氏用養血通幽。亦是一法。

妊娠子癰案

孫文垣

黃氏婦。青年初孕。已將足月。忽午夜口中啾啾。因作上視。角弓反張。裸裎不知羞恥。

口眼偏斜。昏瞶不知人事。問之不能言。此風痰為怒所動。而成子癇。當從雲岐子葛根湯加大腹皮。一劑可愈也。

用葛根貝母丹皮防風川芎當歸茯苓桂心澤瀉甘草各二錢。獨活人參各四錢。水煎飲之而甦。

鴻志按原註貝母令人易產。未臨月者用升麻代之。

又案

陸肖愚

謝四府尊令媛與乃坦俱在任。青年初妊。將及七月矣。日間責一婢大怒。又與夫反目。號哭半日夜。即不能寐。至夜半。忽口中讖語不已。目竄上視。竟於床褥中裸形而出。其夫力抱之。遂昏瞶不知人事。問之不語。即連夜延陸肖愚。陸適往德清。另延一醫進看。不識何病。署中人多以為祟。謝公夜起著紅袍。執劍壓之。而號咷嘻笑。千端萬狀。急令人到德清促陸來。比至。悉其病狀。陸令數婦女執定其手。診之。六脉弦洪有力。陸曰。此子癇證。非祟也。謝公曰。曾有此否。陸曰。此亦妊娠時所時有。但令媛發太甚耳。用霞天麴貝母黃連山梔天麻青皮白芍龍膽草青黛加燈心竹瀝。一帖和二帖。愈其半。四帖而疾盡愈。問其兩日間景狀。毫無所知。

陸闇生曰。孕至七月。氣血壅滯。津液不能流通。未免聚為痰涎。加之盛怒。木旺生火。火并痰湧。聚於包絡。包絡為痰所擾。斯心亦不能自主。成此癰證。惟大瀉心肝之火。火息則痰平。痰平而諸恙悉愈。

姙娠子利案

徐靈胎

爛溪潘開于表弟夫人。懷娠患下利。晝夜百餘次。用黃芩湯加減。兼養胎藥。飲之。利遂減。飲食得進。而每日尚數十次不止。徐曰。此不必治。名曰子利。非產後則不愈。但既產。恐有變證耳。病家不信。更易他醫。易一方。則利必增劇。始守徐言。祇服安胎藥。少許。後生產果甚易。而母氣太衰。虛象百出。適徐從浙中便道過其門。復以產後法消息治之。病痊而利亦止。蓋病不必治而自愈。強求其愈。必反致害。此類甚多。不可不知也。

王孟英按此所謂利。即是泄瀉。古人名曰利下。非今之痢也。痢疾古名滯下。若胎前久痢。產後其能免乎。

鴻志按此證實是胎前滯下。故有晝夜百餘次之多。若是下利。則性命危矣。尚得從容商治乎。蓋痢字誤利。且杜撰子利之名。徐氏欲神其治。未免貽笑後世。

姙娠子滿案

萬密齋

徐太和妻。娠八月。得子滿病。或作子懸治。不效。腹滿轉甚。胎墜下迫。玉門大張。胞形太露。但仰臥不能坐。其脉兩手俱堅大搏指。謂曰。病無害。乃雙胎也。胎肥氣弱。不能約束。故下墮耳。用束胎利氣主之。加人參一錢。炒升麻三分。服三劑。胎舉而安。後生一男一女。

鴻志按此證若遇庸手。胎必不保。况八月已近將產之時也。

姙娠子腫案

萬密齋

一孕婦。七月。先下體發腫。漸及面目。忽子戶內突出一水泡。皮薄而光亮。於是身體悉消矣。然起臥不便。困苦非常。後復皮破出水。恒不得乾。偶一內親。自言昔嘗患此。用王不留行及明礬等藥煎洗而痊。如言試之。苦於螫痛如此。月餘比前稍愈。而終不除。詢產科亦罕知者。但云此似不妨。所謂琉璃胎也。產時自消。後果然。

王孟英按此證恐是氣虛挾水。

姙娠轉胞案

朱丹溪

一婦。年四旬。孕九月。轉胞。小便閉三日矣。腳腫形瘁。左脉稍和而右濇。此必飽食氣。



傷胎系弱不能自舉而下墮壓膀胱偏在一邊氣急為其所閉所以水竅不利也當補血養氣血氣一和胎系自舉以參朮歸尾芍藥陳皮炙甘草半夏生薑濃煎服四帖任其叫號次早以四柸作一服煎頓飲探吐之小便大通皆黑水後照原方加大腹皮炒枳殼青葱管砂仁作二十帖與之以防產前後之虛果得平安產後亦健鴻志按用吐法妙極上竅通則下竅開猶茶壺啟蓋則茶壺嘴得通矣

妊娠患肺癰胎朽案

喻嘉言

顧季掖乃室仲夏時孕已五月偶爾下紅醫以人參阿膠勉固其胎又經一月身腫氣脹血逆上奔結聚於會厭胸膈間飲食纔入觸之痛楚轉下艱難稍急即連粒嘔出全如噎證更醫數手咸以為胎氣上逼脾虛作脹而成膈噎也用人參之補五味之收為治延至白露節計孕期已八月而病造極中之極呼吸將絕始請喻診毫不洩露病狀其脉尺部微瀉難推獨肺部洪大無倫其喘聲如曳蹠其手臂青紫腫亮若歐傷色喻駭曰似此凶證何不早商季掖曰昨聞黃咫旭乃室有孕而膈噎得遇良治而愈是以請救但內子身腫氣急不識亦可療否喻曰此證吾視若懸鑑不必明言以滋驚恐姑以善藥一二劑通其下閉上壅可也季掖必求病名喻曰上壅者

以肺脉之洪大合於會厭之結塞知其肺當生癰也下閉者以尺脉之微瀼合於肉色之青腫知其胎已久壞也善藥者瀉白散加芩桔之苦以開之不用硝黃等厲藥也服一大劑腹即努痛如欲產狀李掖曰產乎喻曰肺氣開而下行數時開拒惡穢得出可也奚產之云再進一劑身腫稍退上氣稍平下白汚如膿者數斗裏朽胎而出旬餘尚去白汚並無點血相間可知胎朽腹中已近百日陰胎之血和胎俱化為膿也病者當時胸厭俱開連連進粥神思清爽然朽胎雖去而穢氣充斥周身為青腫者未去也胸厭雖寬而肺氣壅遏為寒熱欬嗽者未除也喻認真一以清肺為主旬餘果獲全愈

顧升恒曰先生議內子病余甚駭為不然乃投劑如鑰開鎖其言果驗朽物既去忽大腫大喘可駭先生一以清肺藥批卻導竅病邪旋即解散下二劑體復康平抑何神耶內子全而老母不至尸饗幼子不至啼飢此身不至隻影厚德固難為報耳因思譚醫如先生真為軒岐繼後世俗之知先生者即謂之謗先生可也然而百世之下猶當有聞風興起者矣崑庠晚學顧升恒李掖甫謹識於案末

妊娠胎枯案

許裕卿